



**CYNGOR TREF LLANBEDR P.S.
COFNODION CYFARFOD MISOL 26^{ain} O DACHWEDD 2009 AM 7.30PM
NEUADD YR EGLWYS - LLANBEDR PONT STEFFAN**

CYFLWYNIAD: Cyngor ar Bopeth: Derbyniwyd cyflwyniad gan Dr Clive King, Cadeirydd Dors-Dro Sefydliad Bwrdd yr Ymddiriedolwyr Cyngor ar Bopeth (CAB) Aberystwyth a'r Cylch. Y mae'r CAB yn estyn llaw i bobl i ddatrys eu problemau cyfreithiol, ariannol a materion eraill drwy gynnig cyngor rhad ac am ddim, annibynnol, cyfrinachol a diduedd i bawb yn ymwneud â'u hawliau a'u dyletswyddau. Y mae'r mudiad yn cydnabod amrywioldeb, hybu cydraddoldeb ac yn herio anffafiaeth. Yn ogystal â sesiynau galw-mewn, y mae gwasanaeth ar gael yn cynnig cyngor ac eiriolaeth i'r rai hynny sy'n dioddef o boen y meddwl ac yn ddiodeffwyr camdrin cyffuriau ac alcohol. Y mae pob CAB yn elusen gofrestredig sy'n dibynnu ar gynghorwyr i ddarparu'r gwasanaeth hanfodol ar gyfer cymunedau. Y mae'r mwyafrif o'r gynghorwyr yn wirfoddolwyr sydd wedi derbyn hyfforddiant. Y mae Meddygfa Gwaith-Allanol CAB ar gael bob bore Llun o 9.30am tan 12.00 Hanner Dydd yng Nghanolfan Iechyd Llanbedr PS. Y mae digon o arian ar gael i ariannu dau gynghorydd. Y mae gwasanaethau yn cael eu cynnig yn Aberaeron, Tregaron ac Aberteifi.

Soniodd Dr King nad oedd camau ar y gweill i gau drysau'r pencadlys CAB yn Aberystwyth yng ngwyneb herion ariannol y llynedd. Bu i'r sefyllfa waethygu oherwydd absenoldeb Rheolwr yn ystod yr un cyfnod. Apwyntiwyd Sue Hurds i'r swydd hon ym Medi 2009 ac yr oedd digon o arian ar gael ar hyn o bryd i fwrw ymlaen â'r gwasanaeth. Mawr obeithir y bydd y Cyngor Tref yn cyfrannu'n ariannol i'r lefel a wnaethpwyd yn ystod blynyddoedd cynt a bydd perthynas mwy clos yn cael ei sefydlu rhwng y ddau sefydliad. Gellir hyn gael ei gyflawni'n rhannol drwy apwyntio cynghorydd ar gyfer Bwrdd yr Ymddiriedolwyr. Roedd problemau wedi codi'n ystod y gorffennol pan yn ceisio cysylltu â'r CAB a derbyn apwyntiadau. Roedd Dr King o'r farn y dylid sefydlu *Cytundeb Lefel Gwasanaeth*.

Darparwyd yr Ystatedgau Ionawr-Medi 2009 CAB Llanbedr PS/Tregaron/Aberaeron a'r Adroddiad Canol y Flwyddyn Polisi Cymdeithasol Mehefin 2009. (Ar gael yn Llyfrgell y Dref neu d/l'r Clerc)

Penderfynwyd enwebu cynghorydd ar gyfer Bwrdd yr Ymddiriedolwyr CAB yn ystod cyfarfod mis Ionawr y Cyngor Tref.

YN BRESENNOL

Cyng Maer Selwyn Walters (Cadeirydd)
Cyng. Robert Phillips (Is-Gadeirydd)
Cyng. Cecilia Barton, Andrew Carter
Elsie Dafis, Greg Evans
Margaret Davies-Evans, Kistiah Ramaya &
Cyng. Tref a Sirol Robert (Hag) Harris
Mr Nathan Yates – Gohebydd y Wasg y Cambrian News
Mr Carl Stringer – Gohebydd y Wasg yn gweithio ar liwt ei hun

1. CROESO'R CADEIRYDD

Croesawodd y Maer Selwyn Walters bawb i'r Cyfarfod.
Boed i'r Cyng. Hag Harris arwain aelodau mewn gweddi.

2. YMDDIHEURIADAU A MATERION PERSONOL

Derbyniwyd ymddiheuriadau gan y Cynghorydd Tref John Davies, Lynda Mason-George, Chris Thomas, Dorothy Williams, Derek Wilson, y Cynghorydd Sirol Ivor Williams ac Arolygydd yr Heddlu Paul Bonning.

3. DATGELU BUDDIANNAU PERSONOL

Dim.

4. MATERION YN YMWNEUD Â'R HEDDLU

Ymysg y materion a drafodwyd oedd y canlynol:

4.1 **Ardal Gwahardd Alcohol Arfaethedig(AGAA) ar gyfer Llambed**

Y mae Cyngor Sir Ceredigion wedi derbyn cais ar y cyd rhwng Cyngor Tref Llanbedr Pont Steffan a Heddlu Dyfed-Powys i gyflwyno Gorchymyn Gwahardd Yfed Alcohol Mewn Mannau Cyhoeddus Dynodedig (Llanbedr Pont Steffan) 2009 o dan Adran 13 o Ddeddf Cyfiawnder Troseddol a'r Heddlu 2001.

Boed i'r cyfnod ymgynghori yn Llambed ddirwyn i ben ar y 30^{ain} o Fedi 2009. Mae'r CSC yn asesu'r ymatebion ar hyn o bryd ac yn ysgrifennu adroddiad i'w hystyried yn deillio o'r ymatebion. Roedd aelodau wedi gobeithio y byddai'r Ardal Gwahardd Alcohol mewn lle, ar ddechrau'r flwyddyn 2010.

4.2 **Cynllun Plismona Awdurdod Heddlu Dyfed-Powys**

Bob blwyddyn y mae Heddlu Dyfed-Powys yn cynhyrchu Cynllun Plismona treigl 3 blynedd sy'n gosod yr amcanion arweiniol ar gyfer plismona ardal Dyfed-Powys. Nodwyd y meysydd canlynol yn flaenoriaethau ar gyfer plismona'r ardal sef *Ymddygiad Gwrthgymdeithasol; Troseddau'n ymwneud â chyffuriau; a Gwelededd yr Heddlu*. Hefyd i gyfleu dymuniad y Cyngor Tref bod yr Ardal Gwahardd Alcohol ar gyfer Llanbedr PS yn cael ei chyflwyno cyn gynted â bo modd.

4.3 **Cyfarfod Ymgynghorol â'r Awdurdod yr Heddlu Dyfed-Powys:** Nos Fawrth 1af Rhagfyr 2009 am 7pm, yn Swyddfa y Cyngor Sir ym Mhenmorfa, Aberaeron.

4.4 **Derbyniwyd llythyr gan y Comander Rhanbarthol newydd ei apwyntio ar gyfer Ceredigion sef Mr Simon Powell.** Er mwyn cyflwyno'i hun yn swyddogol gofynnodd, tybed a fyddai'n bosibl iddo fynychu cyfarfod y Cyngor Tref. *Penderfynwyd ei wahodd i gyfarfod mis Chwefror.*

4.5 **Asesiad Strategol Trosedd ac Anhrefn Ceredigion 2010:** Ein Cymuned – Eich Barn: Y Maer a'r Dirprwy-Faer i gwblhau'r ffurflen erbyn Chwefror 2010.

5. CADARNHAU COFNODION Y CYFARFOD A GYNHALIWDYD AR YR 29^{AIN} O HYDREF

Derbyniwyd cofnodion mis Hydref fel rhai cywir ar wahân i un camgymeriad. Darllenwyd y weddi agoriadol gan y Cyng. Derek Wilson ac nid y Gyng. Margaret Davies-Evans, fel y nodwyd yn y cofnodion.

6. MATERION SY'N CODI O'R COFNODION BLAENOROL

6.1 **Ystyriaeth i'r Rhodd mewn Ewyllys:** daeth 4 syniad i law gan y Cynghorwyr Mason-George; G.Evans, H.Harris a C.Thomas.

Taer erfynir ar aelodau sydd eisiau cyflwyno syniadau, ond heb wedi gwneud hynny, cyn belled, i'w hanfon yn ysgrifenedig at y Clerc erbyn yr 28^{ain} o Ionawr, y dyddiad cau derbyn awgrymiadau.

Clustnodir sylw pellach i'r holl syniadau yn ystod cyfarfod mis Ionawr y Cyngor Tref.

- 6.2 Deiseb Parc-yr-Orsedd:** Bu i'r Cyng. Thomas gyflwyno adroddiad gweithredu ar gyfer y cyngor tref i gwrdd â gofynion y ddeiseb Medi 2009. Dosbarthwyd Adroddiad yr Arolwg Blynyddol *Digley Associates*, hefyd, ymysg aeoldau.
Penderfyniad
I ofyn i Mr Steve Edwards i ymdrin â'r materion yr amlygwyd yn y ddau adroddiad.
- 6.3 Safle ar y We Newydd;** Mae'r gwaith yn mynd yn ei flaen gan CWN Design, Llanfair Clydogau. *Adroddodd y Cyng. Phillips y byddai'r wefan yn barod yn ystod yr wythnosau nesaf.*
- 6.4 Cyfarfod Ymgynghorol gan GSC 16.11.2009; Neuadd Fictoria:**
Penderfynwyd diolch i gynrychiolwyr y cyngor sir am eu cymorth yn ystod y cyfarfod.
- 6.5 Hysbysfwrdd sydd wedi ei fandaleiddio ger llyfrgell y dref:** y mae trefniadau ar y gweill gan Mr Kevin Jones, Garej Forge, Cwmann i drwsio'r hysbysfwrdd am swm o £549.
- 6.6 Biniau Ail-gylchu ar gyfer y dref:**— y mae'r ddau fin wedi eu harchebu gan Rachel Mills, Cydlynnydd Trefi Taclus – un i'w leoli ar Stryd y Farchnad a'r llall ym Mharc-yr-Orsedd. Bydd y Cyngor Tref yn cwrdd â'r gost o un bin a'r *Cynllun Trefi Taclus* yn talu am y llall. *Disgwylir clywed am ddatblygiadau pellach gan y cyngor sir.*
- 6.7 2 Arwydd stryd -Parc St. Germain-sur-Moine:** derbyniwyd yr arwyddion a archebwyd. Penderfynwyd gofyn i GSC tybed a fyddai'n bosibl iddynt arddangos yr arwyddion yn y parc ar ran y Cyngor Tref. Os na fydd hyn yn bosibl bydd y cyngor tref yn ymgymryd â'r trefniadau angenrheidiol.
- 6.8 Clos Glyndŵr:** Bydd yr arwydd yn datgan y geiriau *Clos Glyndŵr* yn cael ei brynu gan y Cyngor Sir a'i osod ar eiddo Mr Simon Anderson. Y mae angen caniatâd o leiaf 3 o'r 5 deiliaid cyn medru bwrw ymlaen â'r cais. Bu i'r Clerc adrodd ei bod wedi anfon llythyr at y 4 deiliaid (Y mae Mr Anderson wedi cytuno eisoes) ac amlen hunan-gyfeiriad â stamp, ar ddechrau mis Hydref. Derbyniwyd un ymateb gan Mr Jamie McCormack. *Cytunodd y Cyng. Phillips i atgofio'r deiliaid, mewn ymgais i fwrw ymlaen â'r cais.*
- 6.9 Problemau Trafnidiaeth Llambod**
- 6.9.1 Maes Parcio'r Rookery**
Adroddodd y Cyng. Harris iddo siarad â Mr Lyndon Griffiths a byddai'r Cyngor Sir yn ymgymryd â newidiadau i'r fynedfa, maes o law er mwyn sicrhau digon o le ar gyfer bysiau a loriau trwm hir a llwythog. *Nid yw'r trefniant hwn wedi ei gadarnhau'n ysgrifenedig gan GSC.* Rhaid talu am barcio yn y maes-parcio'r Rookery erbyn hyn.
- 6.9.2 Maes Parcio'r Cwmin**
Mae'r CT wedi mynegi ei gefnogaeth i gais y CSC i gyflwyno mesuriadau yn ymwneud â pharcio ar y Cwmin h.y. parcio am gyfnod cyfyngedig ar gyfer holl gerbydau heb godi tâl. Trafodwyd y mater yn ystod y cyfarfod ymgynghorol y cyngor sir o'r 16eg o Dachwedd (Croes-gyfeiriad 6.4) ***Yn disgwyl ateb oddi wrthynt.*** Y mae statws Glas y Pentref/Tir Cyffredin y Cwmins yn rhwystr cyfreithiol y bydd angen ei gostyn cyn medru symud y mater yn ei flaen. Atgofwyd aelodau'r cyngor sir am y Cais am Orchymyn Rheoli Traffig o flaen yr 8 tŷ Rhes Harford. ***Yn disgwyl clywed oddi wrthynt.***
- 6.9.3 Arolwg Traffig Llawn**
"Byddai arolwg traffig llawn yn golygu'r defnydd o adnoddau helaeth ac nid yw'n bosibl i'r Awdurdod i gefnogi'r cais ar hyn o bryd." oedd yr ateb a dderbyniwyd gan y cyngor sir yn yr haf 2009. Cyflwynwyd ail gais at y Cyngor Sir: ***Yn disgwyl ateb gan y CSC parthed yr ail gais.***

6.9.4 Cais oddi wrth un o drigolion Heol y Gogledd, Llambled (Awst 2009) i osod croesfan ar gyfer cerddwyr ar Heol y Gogledd oherwydd rhesymau diogelwch. Cytunwyd i drosglwyddo'r llythyr at sylw'r Cyngor Sir yn mynegi bod y CT yn hollol gefnogol i unrhyw fesuriadau sydd o gymorth i hybu diogelwch cerddwyr ar Stryd y Gogledd. Gofynnwyd tybed a fyddai'n bosibl i leoli croesfan ar gyfer troedwyr ar yr heol. Y mae pob lleoliad a nodir yn cael ei flaenoriaethu drwy edrych ar hanes gwrthdrawiadau yn y lleoliad dan sylw ac ar anafiadau personol a achosir gan y gwrthdrawiadau hynny. Bydd yr wybodaeth honno wedi ei seilio ar wybodaeth ffurfiol a ddaw oddi wrth Heddlu Dyfed-Powys.

Hefyd, fel rhan o'r broses hon, fe ystyrir y lleoliad, geometreg y ffordd, y llif traffig, ymddygiad defnyddwyr y ffordd a phresenoldeb cerddwyr a seiclwyr sy'n fwy agored i niwed. Gall y broses a ddefnyddir i asesu ceisiadau am rai mathau o fesurau rheoli traffig fod yn hir a chymhleth.

Bydd yr asesiad yn ystyried beth yw arwyddocâd y broblem mewn lleoliad penodol ac yn nodi'r camau cywiro priodol. Hefyd, bydd angen sicrhau'r arian a'r awdurdod angenrheidiol i wneud y gwaith. O bryd i'w gilydd, gall yr hyn sy'n ymddangos fel cynigion call a theilwng ar yr olwg gyntaf syrthio'n fyr o feini prawf yr asesiad. O ganlyniad gall yr amser a gymerir i ymateb i'r cais fod yn eithaf hir. (ateb gan GSC Medi 2009) Roedd aelodau'n parhau i fod rhwng dau feddwl ynglŷn â diogelwch cerddwyr ar Heol y Gogledd a phenderfynwyd gwneud cais arall am asesiad o'r ardal gyda'r bwriad o osod croesfan ar gyfer cerddwyr mewn lle neu o leiaf i gyflwyno ryw fath o fesur rheoli traffig ar Heol y Gogledd. ***Yn disgwyl clywed oddi wrth y CSC ynglŷn â'r ail gais ac fe drafodwyd y mater yn ystod y cyfarfod ymgynghorol o'r 16eg o Dachwedd***

6.9.5 Parcio Heol-y-Bryn: mae problemau'n bodoli yng nghyffiniau Heol Y Bryn ac yn enwedig gyferbyn y cyffordd Teras Cambrian/Heol y Bryn. Penderfynwyd gofyn i'r cyngor sir tybed a fyddai'n bosibl i leoli llinellau melyn yn yr ardal hon i ganiatau cerbydau i droi ac i symud. ***Yn disgwyl ateb gan GSC.***

6.9.6 Y mae Ymgynghoriad Distewi Traffig ar gyfer Mountwalk yn mynd yn ei flaen gan GSC. Adroddodd y Cyng. Harris iddo gysylltu â thrigolion Mountwalk i ofyn caniatâd i osod golau arbennig ar eu heiddo. ***Yn disgwyl clywed am ddatblygiadau gan GSC.***

6.10 Arwydd Tref Newydd ar gyfer Ffîn Sir Gâr: ***Yn disgwyl datblygiadau pellach gan GSC.*** Derbyniwyd anfoneb gan y CSC am y 4 arwydd. Penderfynwyd i ohirio'r tâl nes bod y gwaith wedi ei gwblhau.

6.11 Cais y Cyngor Tref i gynnal cyfarfodydd mewn ysgol leol, yn rhad ac am ddim: ***yn dal i ddisgwyl ateb gan GSC.*** Penderfynwyd i adael y mater ar y bwrdd, ac i barhau â'r trefniant o gwrdd yn y safle presennol, am y dyfodol agos.

6.12 Siarter Tosturiol Cymorth Anifeiliaid: 8 cam gweithredol i helpu anifeiliaid, pobl a'r planed: y mae Cymorth i Anifeiliaid (Animal Aid) yn datguddio ac yn ymgyrchu'n heddychlun yn erbyn pob math o gamdriniaeth i anifeiliaid

ac yn hybu ffordd o fyw heb-greulondeb. *Cytunwyd y byddai'r Maer a'r Dirprwy-Faer yn ystyried y siarter ymhellach ac yn gwneud argymhellion yn ystod cyfarfod misol nesaf y cyngor tref.*

- 6.13 Bu i'r Clerc atgofio aelodau** bod 3 llyfryn wedi eu dosbarthu ymysg aelodau megis, *Adroddiad Cynllun Partneriaeth Llywodraeth Leol 2008-09: Llywodraeth Cynulliad Cenedlaethol. Adroddiad Ombwdsman 2008-09 a Chymuned ar y Cyd: Meithrin Cydberthynas a Siarteri ar gyfer Awdurdodau Unedol a Chynghorau Cymuned a Thref-Canllawiau Terfynol: Llywodraeth Cynulliad Cenedlaethol.*
- 6.14 Gwnaed trefniadau ar gyfer Te'r Faeres, Ieuan Mewn Ysbryd, a gynhelir** ar brynhawn Ddydd Mercher, yr 2ail Rhagfyr yn Neuadd Fictoria, Llambed.
- 6.15 Cyfarfu cynrychiolaeth** o'r Cyngor Tref a'r Asiant Ystadau ar safle'r Hen Swyddfa'r Post ar y 23^{ain} o Dachwedd. Y brydles flynyddol yw £12,500. Yn ychwanegol bydd yna gostau megis treth busnes, trydan, gwres, yswiriant, gosodion a ffitiadau a'r cyfanswm oddeutu £20,000. Penderfynwyd nad oedd prydlesu'r hen swyddfa bost at ddibenion y cyngor tref yn opsiwn ariannol dilys ar hyn o bryd..

7. GOHEBIAETH

- 7.1 Cynllunio Cymunedol Cydweithredol:** Llywodraeth Cynulliad Cymru: Ymgynghoriad: *penderfynwyd cyflwyno ymateb i'r ymgynghoriad.*
- 7.2 Mesur Llywodraeth Leol (Cymru) 2009 – Rhan 1:** Canllawiau i Awdurdodau Tân ac Achub: Tachwedd 2009: er gwybodaeth.
- 7.3 Cynllun Gweithredu Blynyddol 2010-2011:** Cynllun Gwella 2009-10: Awdurdod Tân Ac Achub Canolbarth a Gorllewin Cymru: er gwybodaeth.
- 7.4 Ceredigion Shopmobility Symudol CBC:** 2.12.2009 Penmorfa, Aberaeron: er gwybodaeth.
- 7.5 Ebostr gan Sue Roper** yn ymholi a oedd cymhorthdal cymunedol ar gael ar gyfer y ddarpariaeth o offer chwarae i blant bach. I'w chyfeirio at y sefydliadau megis *Llygad Busnes*, a CAVO ac i'r Gyng. Mason-George, Cydlynnydd y Ganolfan Deuluol Llanbedr PS.
- 7.6 Ymgynghoriad ar Newid Gofod Awyr I Sefydlu Gofod Awyr Ar Wahân ar Gyfer Amgylchedd systemau Awyrennau Di-Griw Cymru:** llythyr oddi wrth Cynulliad Cenedlaethol Cymru'n diolch i'r cyngor tref am ei sylwadau, sydd wedi eu nodi ac wedi eu cynnwys o fewn yr Adroddiad Adborth, y gellir ei lawrllwytho o safle ar y we y Cynulliad. Gellir dod o hyd i'r ddogfen o dan yr adran Busnes ac Economi (Ymgynghoriadau Caeëdig) ar y cyfeiriad ar y we www.wales.gov.uk/consultations o fis Rhagfyr ymlaen.
- 7.7 Gohebiaeth Eraill:** er gwybodaeth yn unig.

8. CEISIADAU CYNLLUNIO

8.1 Mae'r cais canlynol wedi ei DYNNU'N ÔL

Dyddiad yr hysbyswyd gan GSC	Ymgeisydd a'r bwriad	Lleoliad
11/11/2009 Rhif y Cais: A090683	Dr D I Edwards Genau'r Glyn Stryd Newydd Llanbedr PS <i>Newidiadau ac estyniad i'r byngalo dormer presennol gan gynnwys newid y to presennol yn gyfangwbl. Hefyd codi garej newydd.</i>	Genau'r Glyn Stryd Newydd Llambled.

8.2 CEISIADAU CYNLLUNIO

Dyddiad yr hysbyswyd gan GSC	Ymgeisydd/ Safle /Bwriad	Sylwadau'r Cyngor Tref
13/11/2009 Rhif y Cais: A090764 Rheol 14 diwrnod dirprwyo swyddogaethau i aelodau penodedig 24.11.2009	Mrs Gladys Lewis Dyffryn Cae-Dash Stryd Newydd Llambled <i>Estyniad a heulfan ar gyfer yr uchod.</i>	Dim gwrthwynebiad
30.10.2009 Rhif y Cais: A090740AV Rheol 14 diwrnod – dirprwyo swyddogaethau i aelodau penodedig 10/10/2009	Food Programme Delivery Orchid Group Old Bank Building Hanover Street Manceinion <i>Co-op Cyf Stryd y Bont Llambled Arddangos 2Xarwydd fascia 1 bwrdd Bwydlen</i>	Dim gwrthwynebiad

8.3 Pwyllgor Rheoli Datblygu CSC: Cofnodion 14.10.2009 a'r Agenda y cyfarfod 11.11.09: er gwybodaeth.

8.4 Y Cais A080680: Codi estyniad a dymchwel rhan o annedd: Eryl, 61 Stryd Y Bont, Llambled. Bu i Banel Archwilio Safleoedd CSC gwrdd ar y safle i

drafod y cais ar yr 2.11.2009 am 2pm gan gynnwys y ddau gynghorydd etholedig lleol. Y Maer oedd cynrychiolydd y Cyngor Tref. Hysbyswyd y Panel y byddai'r cais yn cael effaith anffafriol iawn ar breswylfa cymydog 59 Stryd y Bont. Fel y saif, byddai'r cais yn ormesol ac yn creu twnel/effaith ffynnon rhwng y ddau dŷ, ac fel canlyniad fe gollir llawer o olau dydd naturiol ystafelloedd trigiadwy.

Roedd asiant yr ymgeisydd yn synnu bod y cais wedi cymryd cyhyd i symud yn ei flaen. Ni wnaethpwyd unrhyw sylwadau gan y Maer ond i ail-adrodd, nad oedd gan y cyngor tref unrhyw wrthwynebiad i'r cais.

Ar ôl y cyfarfod cyhoeddus, bu'r Panel yn archwilio'r safle gan gynnwys eiddo'r cymydog. Trafodwyd y cais a rhoddwyd ystyriaeth i estyniad deulawr tebyg, cyfagos, 3 drws o safle'r ymgeisydd. Roeddynt o'r farn na fyddai'r cais yn achosi effaith anffafriol ar yr eiddo cyfagos, ac atgyfnerthwyd y penderfyniad gan fod perchennog yr eiddo heb gynnig unrhyw wrthwynebiad. Fel canlyniad, bu i'r Panel argymhell yn unfrydol i gefnogi'r cais yn unol ag amodau. *Y mae'r cyngor sir wedi, erbyn hyn, caniatáu'r cais. Hysbyswyd y Cyngor Tref ar y 14eg o Dachwedd 2009.*

- 8.5 Cynllun Datblygu Lleol Ceredigion** – Safleoedd Posibl: Fel rhan o'r paratodau ar gyfer y Cynllun Datblygu Lleol (CDLI), cynhaliwyd ymarfer ymgynghori er mwyn gofyn i'r cyhoedd a gwahanol fudiadau argymhell tir y buasant yn dymuno iddo gael ei ystyried ar gyfer gwahanol fathau o ddatblygiad yng nghyfnod y cynllun. Yn ogystal â hynny, mae'r Awdurdod Lleol hefyd wedi argymhell safleoedd sy'n rhan o strategaethau adfywio, a darnau eraill o dir a allai fod â photensial ar gyfer datblygu. Gelwir yr holl ddarnau hyn o dir yn safleoedd posibl – a bydd angen ystyried eto a fyddai'n briodol eu datblygu neu beidio. Nid yw cyflwyno'r safleoedd hyn neu'u cynnwys ar fapiau ar hyn o bryd yn dynodi y caiff y safleoedd eu cynnwys yn y CDLI terfynol. Roedd gan y Cyngorau Tref a Chymuned tan 18fed o Dachwedd 2009 i roi sylwadau ychwanegol ynghylch y safleoedd yn eu hardaloedd.

chodi *Nodwyd y dylai cae Maesyderi Cyferinod S2041 gadw ei statws fel amwynder ar gyfer trigolion y dref ac ni ddylid ei ddefnyddio at ddibenion datblygu a tai. Hefyd i gadw Cae'r Bryn fel cae gwyrdd a Chae'r Coleg i barhau'n ardal hamddena.*

- 8.6 Cynllun Datblygu Lleol Ceredigion** – grwpiau Aneddiadau: Roedd y Strategaeth a Ffefrir y bu ymgynghori cyhoeddus yn ei chylch ym mis Mawrth 2009 yn gosod Strategaeth Anheddu a oedd wedi ei seilio ar Ganolfannau Gwasanaethau Trefol a gwledig, Aneddiadau Cyswllt a grwpiau Aneddiadau. Cafodd y Strategaeth hon gefnogaeth fras yn yr ymatebion a gafwyd i'r ymgynghori a hi yw Strategaeth a Ffefrir yr Awdurdod Lleol. Yn awr y mae'r Awdurdod yn ceisio barn y Cyngorau Tref a Chymuned ynghylch pa aneddiadau y dylid eu cynnwys ym mhob Grŵp Aneddiadau.

I fynegi y dylai Llambod fod yng Nganolfan Gwasanaeth Trefol ar gyfer Alltyblaca, Cwmsychbant, Cwrtnewydd, Drefach, Gorsgoch a Llanwenog ac nid Llanybydder i fod yng Nghanolfan Gwasanaeth Gwledig ar gyfer y pentrefi hyn fel y crybwyllwyd yn y Grŵp Arfaethedig Fersiwn Adneuo y CDLI. Hefyd dylai'r pentref Cribyn fod yn "aneddiad cyswllt" ar gyfer Llambod hy dylai tref

- 8.7 Cynllun Datblygu Lleol Sir Gaerfyrddin:** Y Strategaeth Cyn-adau a Ffefrir, yr Arfarniad Cynaliadwyedd Cychwynnol a'r Adroddiad Sgrinio Rheoliadau Cynefinoedd/Cynllun Cyfyngiadau: Mae cyhoeddi'r dogfennau Cyn-Adau hyn ar gyfer ymgynghori yn cynrychioli cam statudol pwysig wrth baratoi Cynllun Datblygu Lleol Sir Gaerfyrddin. Pan gaiff ei fabwysiadu, bydd y CDLI yn disodli Cynllun Datblygu Unedol presennol Sir Gaerfyrddin, a bydd yn sail i'r penderfyniadau ynghylch cynllunio deunydd tir yny Sir: *nodwyd er gwybodaeth.*

9. CYLLID

- 9.1 Hysbyswyd gan yr Archwilwyr Allanol BDO Stoy Hayward eu bod wedi cwblhau'r Datganiad Blynyddol ar gyfer Cyngor Tref Llambod am y flwyddyn ariannol yn gorffen ar y 31ain o Fawrth 2009.** Cafodd y Datganiad Blynyddol ei gyflwyno at sylw aelodau ar gyfer cymeradwyaeth. Mae'r mater canlynol wedi ei godi er mwyn helpu'r Cyngor i wella eu rheolaeth fewnol neu eu harferion gwaith. Argymhellir bod y Cyngor yn ystyried y mater ond nid oes unrhyw rwymediagaeth statudol i weithredu arno:

1. Lefel Cronfeydd Wrth Gefn

Beth yw'r mater?

Mae lefel y cronfeydd wrth gefn sydd gan y cyngor yn ymddangos yn uchel. Mae'r cyngor yn ceisio defnyddio arian a lleihau lefel y cronfeydd wrth gefn dros y blynyddoedd nesaf.

Pam mae'r mater wedi cael ei godi?

Nid oes gan y cyngor y grym i gadw cronfeydd gormodol wrth gefn oni bai eu bod yn cynilo i brynu rhywbeth penodol.

Beth yw'n hargymhelliad i chi?

Dylai'r cyngor barhau i leihau lefel eu cronfeydd wrth gefn nes cyrraedd lefel mwy priodol. Nid yw lefel y cronfeydd wrth gefn sy'n cael ei dderbyn yn gyffredinol fel arfer yn fwy na dwy waith lefel y praesept. (oddeutu £50,000) Mae hi hefyd yn dderbyniol ar y cyfan i gadw cronfeydd uwch wrth gefn pan fydd y cyngor yn cynilo i brynu eitem cyfalaf penodol neu wariant cyffredinol a dylai'r arian wedyn gael ei gadw mewn cyfrif llog uchel.

Penderfynwyd peidio gostwng lefel y cronfeydd gan fod aelodau o'r farn y byddai angen arian ar gyfer prosiectau megis ee y Cae Maesyderi, Ardal Gwahardd Alcohol, Materion Traffig, Parc-yr-Orsedd.

~~~~~

- 2. Mae'r mater canlynol wedi cael ei godi er mwyn helpu'r Cyngor. Argymhellir bod y Cyngor yn gweithredu ar y mater er mwyn sicrhau bod y cyngor yn gweithredu o fewn ei fframwaith statudol.**

#### **Gwarant Ffyddlondeb**

##### **Beth yw'r mater?**

Mae'r cyngor wedi adolygi lefel y warant ffyddlondeb ond mae'n dal yn ymddangos ei fod yn annigonol yng ngoleuni'r balansau oedd yn y banc ar 31 Mawrth 2009.

##### **Pam mae'r mater wedi cael ei godi?**

Dan Adran 114 Deddf Llywodraeth Leol 1972 rhaid i gyngor lleol gymryd y camau diogelwch y mae'n hystyried yn ddigonol os digwydd i unrhyw un o'i

swyddogion fod yn debygol o drafod ei arian. Gall y Cyngor benderfynu nad yw'r yswiriant yn "ddigonol" ar ei gyfer, ond er mwyn cyrraedd y farn honno rhaid iddo fod wedi adolygu'r gofyniad yn flynyddol a rhaid iddo fod â sail wrthrychol ar gyfer dod i gasgliad o'r fath.

### **Beth yw'n hargymhelliad i chi?**

Dylai'r cyngor ystyried lefel yr yswiriant a'i osod ar lefel fydd yn amddiffyn y cyngor rhag colledion dichonol. Dylai'r cyngor adolygu hyn o leiaf unwaith y flwyddyn gan y gall amgylchiadau newid drwy'r flwyddyn.

Argymhellir bod y swm yn ddigon i sicrhau'r uchafswm arian y mae'r cyngor yn ei ddal ar unrhyw un cyfnod yn ystod y flwyddyn. Nid oes raid i gyngor gael Yswiriant Gwarant Ffyddlondeb os yw'n ystyried bod dim sicrwydd yn "ddigonol" ond rhaid cael sail wrthrychol dros ddod i gasgliad o'r fath. Gall cynghorau llai, felly, benderfynu fod cost yr yswiriant hwn yn anghymesur â'r risg dan sylw. Os mai dyma'r achos, dylai'r cyngor gofnodi'r penderfyniad hwn bob blwyddyn.

***Penderfynwyd codi Yswiriant Gwarant Ffyddlondeb y Cyngor Tref o £150,000 i £200,000.***

- 9.2 Penderfynwyd peidio â** chyfrannu at yr Eisteddfod Gerddorol Ryngwladol Llangollen.
- 9.3 Cyfraniad £100** ar gyfer yr Eisteddfod Genedlaethol 2010.
- 9.4 NSPCC ChildLine Cymru** £25.00
- 9.5 Siambr Fasnach Llanbedr PS:** bydd y cyngor tref yn cwrdd â'r costau o arddangos y goleuadau Nadolig gan gynnwys y trydan, er na dderbynnir grant gan y cyngor sir eleni.
- 9.6 Cyflog y Clerc** (Tachwedd) £536.70
- 9.7 Golau/Gwres/Storio Dogfennau:** £20.00
- 9.8 Treth Incwm a Chyfraniadau YC:** £130.80
- 9.9 Hurio Neuadd San Pedr:** 29.10.2009: £26.25 (3.5awr)
- 9.10 Aseiad Risg** yn ystod y flwyddyn 2009-10: dylai'r aseiad wedi ei gwblhau erbyn yr Adroddiad Cyllid o'r 14eg o Ionawr 2010. *Gwaith yn mynd yn ei flaen.*

## **10. IS-BWYLLGORAU**

### **10.1 LLWYBRAU CERDDED GAN GYNNWYS PARC-YR-ORSEDD**

#### **10.1.1 Ymgynghoriad â'r Cynghorau ynghylch Tramwy a Mynediad**

**Cyhoeddus – 14 Ebrill 2009:** Ar ôl crynhoi'r ymatebion i'r ymgynghoriad, bwriedir cynnal cyfarfod peilot â chynghorau Cymuned/tref yn un o'r pedair ardal rheoli hawliau tramwy yng Ngheredigion yn y flwyddyn newydd. Bydd hyn yn caniatáu i aelod o bob cyngor Cymuned/tref yn yr ardal reoli honno i gwrdd â swyddogion y Cyngor a chynrychiolwyr y Fforwm i drafod materion yn ymwneud â hawliau tramwy a mynediad. Bydd y CSC yn cysylltu â'r cynghorau Cymuned/tref hynny sydd yn yr ardal beilot ynglŷn â'r cyfarfod yn ystod y flwyddyn newydd.

**10.1.2 Penderfynwyd** adrodd at sylw'r cyngor sir bod y bont bren dros yr afon Creuddyn yng nghyffiniau'r Glynhebog, Llambod wedi pydru mewn manau a gofyn tybed a fyddai'n bosibl iddynt ei hatgyweirio.

## 10.2 CAMERAU TCC

**10.2.1 Adroddiad Misol ar gyfer Hydref 2009 CSC:** bu yna un cais gan yr heddlu i edrych ar ddeunydd digidol yn ymwneud ag ymosodiad.

**Namau yn ymwneud â'r Offer:**

1. **Dyddiad adrodd y nam:** 1.10.2009: dim cyfleuster chwyddo ar un camera ond yn dal i weithio. Atgyweiriwyd ar 14.10.2009.
2. **Dyddiad adrodd y nam:** 30.10.2009: namau'n ymwneud â'r fideo o bryd i'w gilydd o Lamberd i'r Ystafell Rheoli ar 3 camera ond y recorder yn dal i weithio. Atgyweiriwyd ar y 30.10.2009.

## 10.3 GOLEUADAU STRYD

**10.3.1 Mae problemau'n dal i fodoli ar y 9 o oleuadau stryd** sy'n ymestyn o'r Garej ATS i'r Ystâd Bryn Steffan. Derbyniwyd gwybodaeth gan y cyngor sir y byddai'r nam yn ymwneud â'r cebl yn cael ei atgyweirio ar ddechrau Rhagfyr 2009.

**10.3.2 Adroddodd y Cyng. Carter** bod rhai o'r goleuadau stryd ar Heol y Wîg heb fod yn gweithio: i adrodd at sylw'r cyngor sir.

## 10.4 PWYLLGOR RHEOLI CAE MAESYDERI

Cynhaliwyd cyfarfod ar y 24<sup>ain</sup> o Dachwedd (Cofnodion ynghlwm)

## 10.5 PALMANTAU

**10.5.1 Chwynnu o gwmpas y dref:** Atgofwyd y Cyngor Sir yn ystod y cyfarfod ymgynghorol o'r 16eg o Dachwedd, gan y Gyng. Margaret Davies-Evans o'r angen am drwsio/chwynnu o gwmpas y dref. Adroddwyd bod ardaloedd o'r dref wedi ei chwynnu/derbyn pryfleiddiad ar 2 achlysur yn ystod y flwyddyn. Derbyniwyd ebost gan Mr Mel Hopkins, Prif Swyddog Adeiladu ar yr 25<sup>ain</sup> o Dachwedd, yn mynegi ei fod wedi cysylltu â'r contractwr cynnal a chadw parthed Stryd San Thomas, Llys Idwal a'r ardal eistedd y Cwmin. Y mae'n ymwybodol o'r gwaith sydd angen ei gario allan a bydd yn ymgymryd â'r gwaith cynnal a chadw yn ystod y dyfodol agos.

**10.5.2 Ymholodd y Cyng. Carter** pryd fyddai'r bolard ar gyfer cerddwyr yn cael ei ail-osod yn ôl o dan yr arch Neuadd y Dref. I gysylltu â'r Ganolfan Gwiltiau.

**10.6 Adolygiad Blynyddol yr Iaith Gymraeg:** i'w ystyried yn ystod y dyfodol agos.

## 11. U.F.A.

**11.1 Cyhoeddodd y Maer ddyddiad** y Sioe Da Pluog wedi eu plufio a'u gosod yn barod i goginio. Cynhelir ar fore ddydd Mawrth 22<sup>ain</sup> o Ragfyr yn Neuadd Fictoria.

**Gan nad oedd unrhyw fater arall, daeth y Cyfarfod i ben am 9.30pm.**

## 12. Dyddiad y cyfarfod nesaf:

**Nos Iau 14<sup>eg</sup> o Ionawr am 7.00pm yn Ffestri Capel Shiloh, Llanbedr PS.**

-----**(Cadeirydd & Dyddiad)**